



Ekonomski fakultet u Sarajevu

- EKONOMSKI FAKULTET U SARAJEVU**, sa sjedištem u Sarajevu, ulica Trg oslobođenja - Alija Izetbegović broj 1, koga zastupa dekanesa Fakulteta, prof. dr. Jasmina Selimović (u daljem tekstu: Kupac) i
- "PRINTEX" d.o.o. Sarajevo**, ul. Hasana Sušića br. 9 i 11, 71000 Sarajevo, koga zastupa direktor Igor Siručić (u daljem tekstu: Prodavac)

nakon provedenog postupka javne nabavke roba za potrebe Ekonomskog fakulteta u Sarajevu, po konkurentskom zahtjevu za dostavu ponuda, uz objavljivanje obavještenja o javnoj nabavci broj 101-7-1-19-3-6/18 od 10. 10. 2018. godine, zaključenog Okvirnog sporazuma broj 01-3-5301-R-7-16/18, te člana 72 Zakona o javnim nabavkama BiH (Službeni glasnik BiH 39/14), zaključili su dana 22. 11. 2018. godine slijedeći

U G O V O R O KUPOPRODAJI ROBA

I - PREDMET UGOVORA

Član 1.

Predmet ugovora je kupoprodaja roba (Projektora) za potrebe Ekonomskog fakulteta u Sarajevu, prema ponudi Prodavca broj 116/18 od 22. 10. 2018. godine, koja čini sastavni dio ovog Ugovora.

II - CIJENA

Član 2.

Ukupna vrijednost ugovorene robe za vrijeme trajanja ovog Ugovora iznosi: 3.939,62 KM (slovima: trihiljadedevetstotinatridesetdevet i 62/100 KM).

U ukupnu cijenu iz stava 1. ovog člana uračunat je PDV.

Cijena je fiksna i ne podliježe nikakvim promjenama za vrijeme trajanja Ugovora.

III-NAČIN PLAĆANJA

Član 3.

Kupac se obavezuje izvršiti plaćanje u roku od 15 (petnaest) radnih dana od dana prijema fakture, uz prethodnu potvrdu komisije, formiranu od strane Ekonomskog fakulteta, o uspješno izvršenoj isporuci predmeta ugovora, na žiro račun koji je naznačen na fakturi Prodavca.

U slučaju da se prilikom primopredaje robe, konstatuju nedostaci i odstupanja od specifikacije date u ponudi Prodavca, Kupac se obavezuje da će izvršiti isplatu nespornog dijela robe u roku navedenom u stavu 1. ovog člana, a sporni dio nakon otklanjanja nedostataka konstatovanih Zapisnikom o primopredaji robe u skladu sa članom 8. ovog Ugovora.

čestit
H



Ekonomski fakultet u Sarajevu

Prodavac je saglasan da kupcu neće zaračunavati zatezne kamate za zakašnjenje pri plaćanju ako je Kupac u ugovorenom roku predao nalog za plaćanje, a Prodavac primio uplatu s odgodom od jednog ili više dana od ugovorenog roka iz stava 1. ovog člana.

IV-ROK ISPORUKE

Član 4.

Prodavac se obavezuje da će robu iz člana 1. ovog Ugovora isporučiti sukcesivno, a u skladu sa potrebama ugovornog organa u roku od 5 (pet) dana od dana narudžbe kupca, na adresu: Ekonomski fakultet u Sarajevu, ul. Trg oslobođenja - Alija Izetbegović br. 1, 71000 Sarajevo.

Član 5.

Ugovoreni rok isporuke robe iz člana 4. ovog Ugovora može se produžiti u slučaju:
-nastanka više sile ili drugih okolnosti koje Prodavac nije mogao predvidjeti
-kada ugovorne strane sporazumno produže ugovorni rok.

V- KVALITET ROBE

Član 6.

Prodavac se obavezuje da isporučena roba iz člana 1. ovog Ugovora, bude traženog kvaliteta, odnosno onog koji je dat u Ponudi koju je Kupac odabrao kao najpovoljniju. Količine i kvalitet robe koja je predmet ovog Ugovora, kontrolisat će Komisija za javne nabavke formirana od strane Kupca (u daljem tekstu: Komisija).

Prilikom primopredaje robe koja je predmet ovog Ugovora, Komisija kontroliše da li je roba u skladu sa specifikacijom datom tenderskom dokumentacijom.

O navedenoj primopredaji robe sačinit će se Zapisnik o primopredaji robe, u roku od sedam dana, od dana prijema robe (putem otpremnice), koji će potpisati predstavnik Prodavca i Komisija.

Član 7.

Sva eventualna odstupanja i nedostaci, prilikom primopredaje robe, konstatovat će se Zapisnikom o primopredaji robe.

Prodavac se obavezuje da će primjedbe konstatovane Zapisnikom o primopredaji robe otkloniti, o svom trošku, u roku od 10 dana od dana potpisivanja navedenog Zapisnika.

Ako u navedenom roku Prodavac ne otkloni primjedbe konstatovane Zapisnikom o primopredaji robe, Kupac zadržava pravo da raskine Ugovor.





Ekonomski fakultet u Sarajevu

VI – OBAVEZE PRODAVCA

Član 8.

Prodavac se obavezuje da će ugovorene obaveze izvesti blagovremeno, u ugovorenom roku, stručno i kvalitetno, sve prema dostavljenoj Ponudi.

Član 9.

Prodavac se obavezuje da će, prilikom primopredaje robe iz člana 1. ovog Ugovora, predati Kupcu svu potrebnu dokumentaciju traženu u Tenderskoj dokumentaciji.

Član 10.

Prodavac se obavezuje, da u svrhu realizacije ovog Ugovora, neće zaposliti niti jednog člana Komisije, a koja je nadležna za dodjelu ovog Ugovora, najmanje 6 mjeseci po zaključenju istog.

VII – OBAVEZE KUPCA

Član 11.

Kupac se obavezuje da će ukupnu cijenu iz člana 2. ovog Ugovora, isplatiti na način i u roku predviđenom u članu 3. ovog Ugovora.

Član 12.

Kupac je dužan pismeno obavjestiti Prodavca o svakom eventualnom propustu Prodavca u odnosu na pitanja uređena ovim Ugovorom.

VIII – UGOVORNA KAZNA I RASKID UGOVORA

Član 13.

Ukoliko Prodavac ne isporuči ugovorenu robu iz člana 4. ovog Ugovora, Kupac zadržava pravo naplate penala u iznosu od 0,1 % za svaki dan zakašnjenja od vrijednosti robe.

Ukoliko isporuka kasni duže od 20 dana, Kupac zadržava pravo jednostranog raskida ugovora.

Razlog za raskid Ugovora može biti stečaj, likvidacija ili drugi oblik prestanka postojanja Prodavca ili više sile.

Član 14.

Ugovorne strane su dužne u roku od 7 (sedam) dana obavjestiti drugu stranu o nastupanju razloga zbog kojih se ne može realizovati ovaj Ugovor.

IX – PRELAZNE ODREDBE

Član 15.

Ugovorne strane su saglasne da eventualne sporove u vezi ovog Ugovora rješavaju dogovorom, u protivnom nadležan je sud u Sarajevu.



**Ekonomski fakultet
u Sarajevu**

Član 16.

Za sve odnose i institute koji nisu utvrđeni ovim Ugovorom, a proisteknu iz njegove realizacije primjenjivati će se odgovarajuće odredbe Zakona o obligacionim odnosima.

Član 17.

Ovaj Ugovor je sačinjen u 5 (pet) istovjetnih primjeraka, od kojih Prodavac zadržava 2 (dva), a Kupac 3 (tri) primjerka.

Član 18.

Ugovor stupa na snagu danom potpisivanja ugovornih strana i primjenjuje se do 31. 12. 2018. godine.

PRODAVAC

G. Hrudic

**"PRINTEX" d.o.o.
DIREKTOR**



KUPAC

**EKONOMSKI FAKULTET U SARAJEVU
DEKANESA**

Prof. dr. Jasmina Selimović



J. Selimovic

Broj: 01-360/18

Broj: 01-3-5301-R-7-17/18

Sarajevo, 27. 11. 2018 godine

Sarajevo, 22. 11. 2018. godine